

嘉靖青州府志

地 140.77

1275

部三 18

青州府志卷之十二

聖賢

夫登泰山者卑蒙嶧觀滄海者藐淮泗仲尼之道世莫能容學稱聞韶善歸問政齊國君臣惶愕崇向其望洋而瞻忽者歟孔子沒後軻得其傳世稱孔孟信矣于時門人亦多齊產蓋宗岱而學海者縱其未至抑丘潦乎哉故志聖賢

孔子名丘字仲尼生魯昌平鄉陬邑其先宋人父叔梁紇母顏氏魯昭公二十年孔子蓋年三十矣

聖賢

青州府志卷之十二

一

齊景公與晏嬰適魯景公問孔子曰昔秦穆公國小處僻其霸何也對曰秦國雖小其志大處雖僻行中正身居五穀爵之大夫起纍繼之中與語三日授之以政以此取之雖王可也其霸小矣景公說孔子年三十五而季平子與邠昭伯以鬪雞故得罪魯昭公昭公率師擊平子平子與孟氏叔孫氏三家共攻昭公昭公師敗奔於齊齊處昭公乾侯頃之魯亂孔子適齊為高昭子家臣與齊太師語樂聞韶音學之三月不知肉味景公問政孔子



曰君君臣臣父父子子景公曰善哉信如君不君臣不臣父不父子不子雖有粟吾得而食諸他日復問孔子曰政在節財景公說將欲以尼谿田封孔子晏嬰沮之景公見孔子曰奉子以季氏吾不能以季孟之間待之齊大夫欲害孔子孔子聞之景公曰吾老矣弗能用也孔子遂行

曾參字子輿南武城人仕於莒得粟二秉方是之時曾子重其祿而輕其身親沒之後齊迎以相楚迎以令尹晉迎以上卿方是之時曾子重其身而

聖賢

青州府志卷十一

二

輕其祿懷其寶而迷其國者不可與語仁窘其身而約其親者不可與語孝任重道遠者不擇地而息家貧親老者不擇官而仕故君子撝褐趨時當務爲急傳云不逢時而仕任事而敦其慮爲之使而不入其謀貧焉故也

端木賜字子貢衛人田常欲作亂於齊憚高國鮑晏故移其兵欲以伐魯孔子聞之謂門弟子曰夫魯墳墓所處父母之國國危如此二三子何爲莫出子貢請行至齊說田常曰君之伐魯過矣不如

伐吳吾聞之憂在內者攻疆憂在外者攻弱今君憂在內破魯以廣齊戰勝以驕主破國以尊臣而君之功不與焉是上與主有卻下與大臣交爭也如此則君之立於齊危矣田常曰善雖然吾兵業已加魯矣去而之吳大臣疑我奈何子貢曰君按兵無伐請往使吳王令之救魯而伐齊君因以兵迎之田常許之子貢南說吳存越說越從吳伐齊吳果伐齊大破之吳晉爭強晉人擊吳大敗其師越乘吳敝遂亡其國子貢一出存魯亂齊破吳強

聖賢

青州府志卷十二

三

晉而霸越常相魯衛卒終于齊

卜商字子夏衛人以文學稱嘗爲莒父宰問政子曰毋欲速毋見小利欲速則不達見小利則大事不成後居西河教授爲魏文侯師

宰予字子我魯人齊簡公時爲臨淄大夫田常作亂死之按史稱宰我與田常作亂以夷其族孔子恥之舛哉田常專齊久矣苟與其亂孰能族焉以理度之蓋義形于色抗節殉難者也由求道媿大臣弒逆不從予非其儔耶簡公之弒沐浴請討春

秋大義也安知予非志淬討逆不克而死之者歟
或辨闕止亦字子我余謂止與常並相非邑大夫
也其稱子我繫予明矣

公冶長字子長齊人

索隱曰家語云魯人名萇范審云字子芝

孔子曰

長可妻也雖在縲紲之中非其罪也以其子妻之
高柴字子羔齊人敬仲僂十代孫長不盈五尺爲
成宰有兄死而不爲衰者聞子羔將至遂爲衰成
人曰蠶則績而蟹有匡范則冠而蟬有綏兄則死
而子羔爲之衰子羔葬其妻犯人之禾申祥以告

聖賢

青州府志卷十一

四

曰請庚之子羔曰孟氏不以是罪予朋友不以是
棄予以吾爲邑長於斯也買道而葬後難繼也爲
衛士師則人之足俄而衛有蒯聵之亂子羔逃之
走郭門則者守門焉謂子羔曰彼有缺子羔曰君
子不踰又曰彼有竇子羔曰君子不隧又曰於此
有室子羔乃入焉旣而追者罷子羔將去謂則者
曰吾不能虧主之法而則子之足今吾在難正子
報怨之時而逃我者二何哉則者曰斷足固我之
罪昔公之治臣以法臨當論君愀然不悅豈私臣

哉天生君子其道固然此臣之所以悅君也孔子聞之曰善哉為吏其用法一也思仁恕則樹德加嚴暴則樹怨公以行之其柴乎

樊須字子遲樊皮之後齊人家語魯人少孔子三十六

歲仕於季氏齊伐魯及清武叔蒐乘冉求帥左師樊遲為右季孫曰須也弱冉有曰年雖少能用命焉師及齊師戰於郊齊師自稷曲師不踰溝樊遲曰非不能也不信予也請三刻而踰之如之衆從之

聖賢

青州府志卷十二

五

公皙哀字季次齊人鄙天下多仕于大夫家者故未嘗屈節其亦汶上之亞歟墓在般陽城北

后處字子里齊人

梁鱣字叔魚齊人少孔子二十九歲年三十未有子欲出妻商瞿謂曰子未也吾年三十八無子吾母為吾更娶室夫子使吾之齊母請留夫子曰無憂也瞿過四十當有五丈夫子今果然吾恐子自晚生耳未必妻之過也居二年而有子

陳亢字子禽齊人大夫陳子車弟見檀弓家語作陳人

步叔乘字子車齊人

孟軻字子輿鄒人受業于子思道既通值梁惠王卑禮厚幣以招賢者乃至梁既而去梁適齊宣王以爲上卿孟子處齊有憂色擁楹而歎孟母見曰子有憂色何也對曰軻聞之君子稱身而就位不爲苟得而受賞不貪榮祿今道不用於齊願行而母老是以憂也孟母曰婦人無擅制之義而有三從之道年少則從父母出嫁則從夫夫死則從子禮也今子成人而我老矣子行子義吾行吾禮子聖賢

青州府志卷十二

六

何憂乎孟子復去齊當是時天下務於合從連衡以攻伐爲賢而孟軻乃述唐虞三代之德是以所如者不合退而與萬章之徒序詩書述仲尼之意作孟子七篇以詔來世

公孫丑齊人嘗慕管晏之功以期孟子孟子曰管仲曾西之所不爲也而子爲我願之乎因論不動心於孟子孟子曰我知言我善養吾浩然之氣

萬章齊人嘗與孟子辯論堯舜禹禪繼伊尹孔子百里奚出處與夫交際之禮不見諸侯之義

浩生不害齊人嘗問樂正子於孟子得聞善信美
大聖神之說

高子齊人嘗指小弁爲小人之詩孟子曰固哉高
叟之爲詩也又嘗謂之曰山徑之蹊間介然用之
而成路爲間不用則茅塞之矣今茅塞子之心矣
其後高子去而學他術

陳臻齊人齊餽兼金孟子不受宋薛餽金孟子受
之臻問曰前日之不受是則今日之受非也今日
之受是則前日之不受非也孟子曰皆是也在宋
聖賢

曰餽贖在薛曰聞戒若於齊則未有處也

充虞齊人孟子喪母虞嘗敦匠事他日請曰木若
以美然孟子曰君子不以天下儉其親孟子去齊
虞問曰夫子若有不豫色然虞聞諸夫子曰君子
不怨天不尤人孟子曰彼一時此一時也

封建

三代而上風呂田姒胄出神明享國數百尚矣朱
虛忠義特冠平勃蓄川屹立七國自潰炎祚載然
發自伯縝子姓綿永固宜下此無足論者

明興分王諸子

衡襲齊履率德滌行惠節

冊諡法遣氓隸邁先代矣美哉振振麟趾仁訖公
孫源流

太上于周有光矣

三代以上諸侯列傳

封建傳

青州府志卷三

八

少昊爽鳩氏帝少昊司寇也帝以鳥名官司寇主
擊盜賊故名晏子告齊景公曰昔爽鳩氏始居此
地今昌樂是也

唐丹朱帝堯之子封于朱虛古城遺跡尚存史記
謂堯子丹朱皆有疆土竹書云堯放丹朱於丹水
皇王大紀云齊有丹山朱虛丹朱所封是也

虞季前虞夏諸侯代爽鳩氏者亦昌樂也

夏有窮后羿氏因太康盤遊失德距之於河遂廢
之而立仲康自鉏遷於窮后信用寒浞爲浞所殺

逮夏遺臣靡既滅浞擁立少康少康乃滅浞之子
澆于過少康子后杼滅浞之子豷于戈有窮遂亡
今蒙陰也

斟灌氏夏仲康之子后相因亂來依斟灌氏浞命
其子澆用師滅之今**壽光**也

斟鄩氏二斟皆夏同姓諸侯漢書謂斟鄩在北海
路史謂斟鄩在平壽北海卽今**壽光**平壽半在壽
光東境寰宇記謂斟灌城亦名**東壽光**

商逢伯陵姜姓伯爵漢書謂湯時有逢公栢陵齊
封建傳
青州府志卷三
九
乘謂逢伯陵商之諸侯封于齊卽曼嬰對齊景公
逢伯陵因之是已亦**昌樂**也

蒲姑氏殷所封也成王時與四國作亂成王滅之
以其地入于齊亦曼嬰所謂蒲姑氏因之是也蒲
又作薄今博興

周齊太公呂望侯爵炎帝苗裔伯夷爲四嶽佐禹
平水土有功賜姓曰**姜**謂之呂侯商末太公起漁
釣爲周文武師號師尚父武王以平殷亂封于
齊都營丘太公至國修政因其俗簡其禮通商工

之業便漁鹽之利而人民多歸于齊成王幼管蔡作亂淮夷畔周乃使召公命太公曰東至海西至河南至穆陵北至無棣五侯九伯女實征之以夾

輔王室

比即周成王命辭○按史記註索隱曰舊說云穆陵在會稽非也今淮南有故穆陵

門是楚之境無棣在遼西孤竹服虔以為太公齊受封境界所至不然也蓋言其征伐所至之域

由此征伐為大國太公雖封留為太師卒葬于周

五世之後乃葬齊始封**昌樂**再徙**博興**又遷**臨淄**

傳三十一世為**田氏**所篡太公傳子丁公伋傳子

乙公得傳子癸公慈母傳子哀公不辰紀侯譖之

封建傳

青府志卷士

十

周周烹哀公而立其弟靜是為胡公胡公徙都**薄**

姑哀公同母少弟山怨胡公與其黨襲殺胡公而

自立是為獻公獻公盡逐胡公子徙都**臨淄**卒傳

子武公壽丘武公九年周厲王室奔居彘十年王

室亂二十六年卒傳子厲公無忌厲公暴虐故胡

公子復入齊齊人欲立之乃與攻殺厲公胡公子

亦戰死齊人乃立厲公子赤是為文公而誅殺厲

公者七十人十二年卒傳子成公說傳子莊公購

二十四年犬戎殺幽王六十四年卒傳子釐公祿

父九年始入春秋為魯隱公之元年二十五年北
戎伐齊鄭使太子忽來救齊三十二年釐公同母
弟夷仲年死其子公孫無知釐公愛之令其秩服
奉養比太子三十三年卒傳子諸兒是為襄公八
年伐紀紀侯大去其國十二年無知弒襄公自立
齊人怨無知襲殺之襄公初立誅殺數不當淫於
婦人數欺大臣羣弟恐禍及故次弟糾奔魯管仲
召忽傅之次弟小白奔莒鮑叔傅之小白自少好
書大夫高傒及雍林人殺無知議立君高國先陰
召小白于莒高傒立之是為桓公發兵拒魯魯殺
子糾召忽自殺管仲請囚鮑叔薦管仲才可霸國
桓公立為大夫任以國政乃連五家之兵設輕重
漁鹽之利以贍貧窮祿賢能齊人皆說滅郟伐魯
會柯而盟諸侯皆欲附焉會於甄而桓公始霸陳
厲公子完來奔桓公以為工正**開常祖也**二十三
年救燕伐山戎命燕莊公修召公之政納貢事周
如成康之時諸侯聞之皆從齊二十八年率諸侯
城楚丘而立衛君三十年率諸侯伐蔡遂伐楚責

楚貢包茅不入昭王南征不復伐陳伐鄭會諸侯于甯母于葵丘周襄王使宰孔賜桓公文武胙彤弓矢大路是時周室微惟齊楚秦晉爲疆獨齊爲中國會盟而桓公能宣其德諸侯賓服兵車之會三乘車之會六九合諸侯一匡天下三十八年周襄王弟帶與戎翟合謀伐周齊使管仲平戎於周四十一年管仲卒四十二年戎伐周齊令諸侯各發卒戍周桓公卒易牙豎刁立桓公子無詭宋襄公率兵送太子昭而伐齊齊人殺無詭宋人立昭

封建傳

青州府志卷十二

十二

是爲孝公卒孝公弟潘殺孝公子而立是爲昭公昭公卒子舍立昭公弟商人殺之而自立是爲懿公四年被弒齊人廢其子而迎公子元於衛立之是爲惠公惠公卒子項公無野立六年晉使卻克於齊卻克履跛齊夫人帷中笑之十年齊伐魯衛晉使卻克救魯衛伐齊項公軍絀於木而止逢丑父使項公下取飲因得亡脫去晉軍追至馬陵要齊盡東其畝而以蕭同叔子爲質齊人不可令返魯衛之侵地十一年項公朝晉歸弛苑囿薄賦斂

振孤問疾虛積聚以救貧民大說十七年項公卒
子靈公環立靈公疾崔杼迎故太子光立之是爲
莊公莊公殺太子牙崔杼弑莊公立莊公異母弟
杼曰是爲景公景公卒太子荼立是爲晏孺子羣
公子畏誅皆出亡萊人歌之曰景公死乎弗與埋
三軍之事乎弗與謀師乎師乎胡黨之乎元年田
乞使人召公子陽生至齊私匿田乞家詒諸大夫
會飲田乞與鮑牧盟共立陽生是爲悼公悼公遷
晏孺子於駘殺之鮑子與悼公有郤不善鮑子弑

封建傳

青島府志卷十二

十三

悼公齊人共立悼公子壬是爲簡公簡公嘗在魯
闕止有寵及卽位使爲政田成子常憚之殺之郭
關田常弑簡公子徐州乃立簡公弟騫是爲平公
田常相之專齊之政割齊安平以東爲田氏封邑
平公卒子宣公積立宣公卒子康公貸立十九年
田常曾孫田和始爲諸侯遷康公于海濱食一城
二十六年康公卒**呂氏祀遂絕**

杞姒姓夏禹苗裔**侯爵**至惠公又降爲**伯**初武王
克商求禹之後得東樓公封於河南之杞以奉夏

杞自東樓公傳西樓公題公謀娶公至武公遷莒
之甫十一年入春秋二十九年爲魯隱公之元年
四十一年朝魯四十二年求成于魯武公卒傳靖
公二十三年卒傳共公八年卒傳惠公史記作德
公惠公十八年卒傳子成公爲淮夷所病齊桓公
率諸侯城緣陵而遷于城陽之北成公卒弟桓公
姑容立傳子孝公勾文公益姑平公鬱來又作郁
釐皆兄弟也鬱來傳子悼公成成傳子隱公乞乞
立七月爲弟過所弒而自立是爲僖公過卒傳子
所滅傳二十世

封建傳

青州府志卷十二

十四

閔公維維爲弟哀公闕路所弒而自立闕路卒閔
公子敕立是爲出公傳子簡公春一年爲楚惠王
所滅傳二十世

紀侯爵姜姓炎帝苗裔封于紀世與魯爲婚姻紀
女亦嘗爲王后又嘗王姬歸于紀夷王時紀侯譖
齊哀公於周周烹哀公故齊與紀爲世讐魯桓公
五年齊侯鄭伯朝於紀欲以襲之紀人知之六年
魯會紀侯于成紀來咨謀齊難也魯莊公元年齊
師遷紀邾鄆郚三年齊侵紀紀季以鄆入于齊紀

於是乎始叛四年爲齊襄公所逼紀侯不能下齊以與紀季夏紀侯大去其國違齊難也而紀

遂亡國在東莞之劇縣今壽光紀臺城是也

莒子爵嬴姓少昊苗裔武王封茲輿期初都介根漢書作計斤在膠州後徙于莒在城陽夷君有號而無諡自茲輿期十一世至茲不公始入于春秋莒魯世爲讐敵自紀公庶其爲太子僕所弒其少子厲公季佗傳渠丘公宋黎比公密州黎比公生去疾及展輿旣立展輿又廢之展輿乃弒黎比公而自立去疾奔齊齊出也展輿吳出也展輿立而奪羣公子秩羣公子乃召去疾于齊納去疾是爲著丘公展輿奔吳著立公卒子郊公不感國人弗順欲立著丘公之弟庚輿莒大夫蒲餘侯因作亂郊公奔齊莒人乃逆庚輿於齊而立之是爲共公共公虐而好劍苟鑄劍必弒諸人國人患之又將叛齊烏存率國人以逐之遂奔魯齊人納郊公庚輿而下微不復見後四世而楚簡王滅之共傳三十世

封建傳

青州府志卷十一

五

向子姜姓炎帝之後附庸之國莒之鄰封也莒子娶于向向姜不安莒而歸莒人入向滅其國

顓臾風姓伏羲之後魯附庸之國左氏謂實司太皞與有濟之祀以服事諸夏是也邢昺曰先王封顓臾爲附庸之君使主蒙山祭今在蒙陰境內龜上下有古顓臾城故城在縣東南八九里通志謂在費縣西北七十里有顓臾城蓋蒙費實相接壤云

田齊陳厲公佗之子完字敬仲有虞氏苗裔也先

封建傳

青州府志卷十二

六

是厲公兄桓公鮑立蔡人爲佗殺之桓公之子林怨厲公殺其父令蔡人誘厲公而殺之林乃自立是爲莊公故完不得立爲陳大夫莊公卒弟杵臼立是爲宣公宣公殺莊公太子禦寇完恐禍及故來奔齊齊桓公賢之以爲工正敬仲居齊始以陳氏爲田氏生穉孟夷夷生潛孟莊莊生文子須無須無生桓子無字無字生武子開與僖子乞乞事齊景公爲大夫行陰德於民而景公弗禁是田氏得齊人心宗族益疆民思田氏晏子數諫景公弗

聽景公卒田乞以詭立齊悼公遂爲相專齊政乞卒子嘗嗣是爲田成子相齊簡公爲相五年齊國之政皆歸田常常弑簡公而立簡公之弟釐爲平公常於是盡誅鮑晏闞止及宗族之疆者而割齊自安平以東至琅邪自爲封邑封邑太於平公之所食常卒傳子襄子盤襄子使其兄弟宗人盡爲齊都邑大夫襄子卒傳莊子白白再傳太公和祖孫三世相齊宣公宣公卒子康公立田和遷之海上食一城以奉其先祀田和求爲諸侯魏文侯爲

封建傳

青州府志卷十一

十七

請於王及諸侯乃立爲齊侯二年卒子桓公子午立卒子威王因齊立是歲故齊康公卒絕無後奉邑皆入田氏威王即位以來委政卿大夫諸侯并伐國人不治於是自強脩政烹阿封即墨齊國震懼人人不敢飭非務盡其誠齊國大治強於諸侯自稱爲王以令天下三十六年威王卒子宣王辟疆立宣王喜文學遊說之士自騶衍淳于髡田駢接子慎到環淵之徒七十六人皆賜列第爲上大夫不治而議是以齊稷下學士復盛且數百千人

孟軻至齊不能用宣王卒子湣王地立驕暴燕樂
毅爲將合秦魏韓趙之師以伐之泯王出走莒楚
使淖齒救齊因相湣王遂弑之湣王子法章變姓
名爲莒太史敷家傭湣王從者王孫賈合兵攻淖
齒誅之齊故臣相與求法章立爲齊王保莒城以
拒燕田單以卽墨破燕兵盡復齊地法章復入臨
淄是爲襄王傳子建爲秦所滅○秦二世元年齊
族人田儋自立爲齊王秦將章邯殺之齊人立建
弟假爲王爲田榮所逐乃立儋子市爲王○漢王

封建傳

青州府志卷三

十八

元年項羽分齊爲三國以市爲膠東王都卽墨以
齊將田安爲濟北王都博陽田都爲臨淄王都臨
淄六月榮殺市而自立并取三齊之地二年與項
王戰敗死項王復立假爲王榮弟橫立榮子廣爲
王攻假假走廣立三年爲韓信擊殺國遂屬漢而
爲郡縣田橫自立爲齊王戰敗走保海島漢高帝
既定天下遣使召之橫至洛陽自刎帝以王禮葬

之附錄官制王制大國三卿下大夫五人上士二
十七人次國亦三卿小國二卿其大夫士之數

同俱

漢以下諸侯列傳

齊王韓信淮陰人也爲漢大將漢二年敗齊歷下兵又擊殺龍且于濰水遂定齊地請爲假王四年春二月立信爲齊王五年平項羽徙爲楚王

齊悼惠王劉肥漢高帝微時外婦曹氏子帝定天下懲秦孤立六年封肥于齊都臨淄食七十餘城傳子哀王襄孫文王則無子**國除**文帝憐之十六年分齊爲六國盡封肥子列侯六人爲王以白石侯雄渠進封膠東王都卽墨平昌侯卬進封膠西

封建傳

青州府志卷十二

九

王都高密俱孝景三年同吳楚反伏誅**國除**餘四人見後以下同姓王侯

齊孝王將閻悼惠王肥之子楊虛侯也文帝十有六年封于齊都臨淄景帝三年吳楚反孝王城守膠西菑川濟南三國共圍齊樂布擊破三國已而以預吳楚之謀飲藥自殺景帝憫之立其太子壽是爲懿王傳子厲王次昌爲主父偃所搆自殺**國除**改爲齊郡自肥六傳共七十六年

城陽景王章亦肥之子以朱虛侯入宿衛文帝五

年以誅諸呂功割齊一郡封之**都莒**食四縣傳子共王喜十二年又徙喜爲淮南王十六年復還喜於城陽傳項王延敬王義惠王武荒王順戴王恢孝王景哀王雲無子**國除**成帝復封雲兄俚奉章**祀王莽時絕**自章十傳共一百八十六年

菑川王賢亦肥之子文帝十六年自武城侯進封食三縣都劇今壽光也景帝三年同吳楚反伏誅

國除

菑川懿王志亦肥之子文帝十六年自安都侯進

封建傳

青州府志卷十二

二十

封濟北王吳楚反時堅守不預後菑川王賢已伏誅自濟北改徙菑川傳子靖王建孫項王遺惠王終古孝王尚孝王橫懷王交傳子永嗣**王莽時絕**自志八傳共一百六十三年

琅琊王澤高帝從祖昆弟營陵侯也以擊陳豨功高后七年封爲琅琊王文帝元年徙爲燕王在琅琊僅二年

膠西王端景帝之子以前三年封在國犯法滋甚立四十七年薨無子**國除**爲膠西郡

齊懷王門武帝子元狩六年封**都臨淄**母王夫人有寵帝尤愛幸之立八年無子國除仍爲郡

漢同姓王子侯

劇原侯錯菑川懿王之子武帝元朔二年封傳孝侯廣昌戴侯貴質侯吉節侯囂六世侯勝容自劇原侯以後五人爵封俱同

臨原敬侯始昌傳康侯革生項侯廣平元侯農節侯理釐侯賢七世侯商**王莽時絕**

平望夷侯賞傳原侯楚人敬侯光項侯起孝侯均

封建傳

青州府志卷十二

三十一

六世侯日嗣

益都敬侯胡傳原侯廣孫侯嘉坐非廣子**國除**

平的戴侯強傳思侯中時節侯福項侯鼻釐侯利

親六世侯宣嗣

劇魁夷侯黑傳思侯招康侯德孝侯和親釐侯嬰

六世侯宣嗣

被陽敬侯燕齊孝王將閭之子武帝元朔四年封傳穆侯偃項侯壽孝侯定節侯闕六世侯廣**嗣王**

莽時絕

東莞侯吉城陽共王之子景王章之孫武帝元朔二年封坐病不任朝謁免

免
麥侯昌城陽項王之子武帝元鼎元年封坐酎金

校靖侯雲裔封同前坐酎金免

廣饒康侯國菑川靖王之子武帝元鼎元年封傳
共侯坊侯麟侯京諂媚王莽詭稱新井莽篡國絕
併敬侯成裔封同前傳項侯龍原侯融侯閔嗣王
莽時絕

封建傳

青州府志卷十二

三

樂望孝侯光膠東戴王之子宣帝地節四年封傳
釐侯林侯起嗣免

高鄉節侯休城陽惠王之子宣帝甘露四年封傳
項侯興侯革始嗣免

箕愿侯文城陽荒王之子宣帝甘露四年封傳節
侯璘侯褒嗣免

折泉節侯根裔封同前元帝初元元年封傳侯詡嗣
免

廣釐侯便菑川孝王之子元帝竟寧元年封傳節

侯護侯字嗣免

平節侯服裔封同前傳子侯嘉嗣免

武鄉侯慶高密項王之子武帝玄孫成帝建始元年封傳子侯勁嗣免

安丘侯常裔同前成帝鴻嘉元年封

樂安侯禹東平思王之孫成帝永始元年封在位

八年免

附錄官制王國有傳以輔導有相以統衆中令有僕有文學有大司農有衛士長有太倉長列侯國亦有相餘畧與王國同

漢異姓功臣侯

封建傳

青州府志卷十二

三

廣嚴侯召歐以中涓從起沛至霸上為連敖入漢

以騎將定燕趙得燕將軍侯二千二百戶高帝六

年封傳戴侯勝共侯嘉無後國除

梁鄒孝侯武虎以謁者從擊破秦入漢定三秦出

關以將軍擊定諸侯比博陽侯二千八百戶高帝

六年封傳侯最項侯嬰齊侯山拊坐酎金免

陽都敬侯丁復以越將從起薛至霸上以樓煩將

入漢定三秦屬周呂侯破龍且彭城為大司馬破

項羽為將軍侯七千八百戶高帝六年封傳趨侯

甯孫侯安成有罪免

東武貞侯郭蒙以扈衛起薛屬周呂侯破秦軍入漢爲城將定三秦以都尉堅守敖倉爲將軍破項羽侯三千戶高帝六年封蒙母疾氏常乳高帝傳子佗有罪棄市

高苑制侯丙倩以客從入漢定三秦以中尉破項羽侯一千六百戶高帝六年封傳簡侯得孝侯武曾孫侯信坐罪奪爵國除

安平敬侯鄂千秋以謁者從漢王定諸侯有功高

封建傳

青州府志卷十二

五

帝六年千秋舉蕭何第一侯二千戶傳簡侯嘉項侯應殤侯寄玄孫侯但坐罪棄市國除

昌國侯旅卿漢王四年以齊將從韓信起無鹽定齊擊項羽又擊韓王信於代侯千戶高帝八年封傳子通坐謀反誅

安丘懿侯張敖以卒從起方與屬魏豹一歲以執盾入漢以司馬擊項羽以將軍定代侯二千戶高帝八年封傳共侯奴敬侯執康侯新玄孫侯拾坐入上林謀盜鹿國除

蓋靖侯王信以景帝皇后兄景帝中五年封侯二千八百九十戶史記作子偃失國漢書云傳頃侯克孫侯受坐酎金免**國除**

桑落侯上官安以父傑為將軍故貴侍中事昭帝女為昭帝夫人立為皇后為車騎將軍始元五年封侯二千五百戶驕蹇與大將軍光爭權因謀反**族滅國除**

陽都侯張彭祖以伯父哀侯賀掖庭令舊恩宣帝元康三年封一千六百戶後為妾所殺子霸七歲

封建傳

青州府志卷十二

三五

拜關內侯

樂安侯匡衡以丞相元帝建昭五年封侯六百四

十七戶後坐多取陌界免

附錄官制 徹侯所食國令長名相又有家丞

門大夫庶子

後漢

齊哀王章光武長兄齊武王縝之長子光武建武二年封章為太原王十一年徙封于齊食六縣傳子殤王石二十七年始就國孫晃嗣與弟利侯剛及母太姬更相誣告貶晃為蕪湖侯卒永元二年

傳子頃王喜立五年子承嗣在位亦五十二年建
安十一年國除

北海靖王興齊武王續次子建武二年封為魯王
以嗣光武兄仲後徙為北海王都劇二十七年始
就國食十八縣立三十九年薨傳敬王睦睦少好
學作春秋旨義終始論及頌數十篇立十年薨傳
哀王基立十四年無子肅宗憐之不除其國和帝
永元二年封睦庶子斟鄉侯威為北海王立七年
威以非睦子又坐誹謗自殺永初元年復封其孫

封建傳

青州府志卷十二

五

壽光侯普是為頃王立七年傳恭王翼立十四年
康王乃嗣無子建安十一年國除

琅邪孝王京光武之子建武十七年以琅邪公進
爵為王京性恭孝好經學顯宗尤愛幸之永平五
年就國都莒食六縣益以琅邪好修宮室窮極技
巧殿館壁帶皆飾以金銀數上詩賦頌德帝嘉美
之京尚書徙東海之開陽在莒僅二十年

千乘貞王伉章帝之子建初四年封立十五年薨
子夷王寵嗣立二十八年薨子孝王鴻嗣伉寵薨

於京師皆葬洛陽永元七年改國名樂安安帝崩
鴻始就國鴻生質帝後以國土卑濕租委鮮薄徙
封渤海王有內史有中尉有郎中令有僕主車馬
有持以奉使有謁者有禮樂長有衛
士長有醫工長有丞巷長有祀長

後漢同姓王子侯

壽光侯鯉更始第三子更始降于赤眉賊為謝祿
所殺明年鯉與兄永歆及母詣洛陽光武封之

平望侯毅北海靖王之孫敬王之子哀王之弟章
帝建初二年封毅有文學永寧中鄧太后召入東

封建傳

青州府志卷十二

二十七

觀與謁者僕射劉珍著中興以來名臣烈士傳

陽都侯邈琅琊孝王之玄孫順王容之弟獻帝初
平元年封

後漢列侯

陽都侯伏湛琅琊東武人建武三年拜大司徒封
後徙封不其侯

被陽侯歐陽歛樂安千乘人王莽時為掌社長光
武即位為河南尹封被陽侯九年更封夜侯

列侯國置相主治民如今令長不臣其官隨國大小
為增減食邑千戶以上置家丞庶子各一人以理

家事不滿千戶
則不置家丞

琅琊武王司馬倫宣帝第三子文帝弟也武帝踐祚太始元年封東莞王鎮下邳吳人憚之咸寧三年改封琅琊以東莞益其國平吳之役倫率所統連據涂中孫皓詣倫請降太康四年卒傳恭王觀卒傳睿立渡江是為元帝

琅琊郡王司馬倫宣帝第九子武帝仲父也太始元年封之國授宣威將軍行東中郎將在國十有三年咸寧三年改封趙王

封建傳

青州府志卷十一

二十六

齊獻王攸文帝第二子武帝弟也太始元年封為齊王攸雖未之國文武官屬皆備於齊其國中水旱則加賑貸太康中割濟南郡以益齊國以荀勗馮統之譖兩詔催逼上道未發而卒諸子攻王他國罔雖嗣爵亦未至齊

晉五等侯

壽光成公鄭冲魏常道卿公時拜太保封壽光侯

武帝即位進爵為公傳徽嗣簡附錄官制王國

有典書令丞掌國教令有文學有郎中令有中尉有大農為三卿有左右常侍掌贊相獻替有內史

有將軍有典祠典衛學官令治書中尉司馬世子
庶子陵廟牧長謁者中大夫舍人與府公侯以下
國官屬
遞減

元

益王買奴烈祖神元帝也速該弟答里真六世孫
答里真為太祖鐵木真叔父也買奴英宗至治二
年封泰寧王泰定帝二年徙封宣靖王鎮益都毛
貴陷城同馬睦火者出奔至東關投甜水井而死

國朝

齊藩

封建傳

青州府志卷三

元

齊王諱梓

太祖高皇帝第七子洪武三年分封十五年九月
詔之國二十四年三月命率護衛騎兵於開平
近北地閱獵同穎國公傅友德率山東都司各
衛騎士禦邊革除間以謀為不軌廢置永樂元
年正月詔仍復國未幾復同諸子樂安王賢熒
長山王賢峻平陽王賢寔俱廢為庶人賜死國
除今子孫居金陵

衡藩

冊衡王制

維成化二十三年歲次丁未七月戊戌朔十一日戊申

皇帝制曰朕惟自古聖帝明王享國長乂歷世治安豈有他哉蓋封建諸子所以維宗社無疆之慶植邦家不拔之基理固然也朕恭嗣

祖宗之不圖遠鑒帝王之令典眷念盤維之重寔資茅土之封咨爾第五子祐揮岐嶷恭莊粹清聰哲宜錫分茅之寵以昭立愛之親茲特封爾

封建傳

青州府志卷十二

三十一

爲 衡王世守爵土永樹親藩於戲親之欲貴愛之欲富朕惟父子之主恩祿不期侈位不期驕爾尚恭儉之惟德志毋或耽于逸樂學有緝熙于光明庶永終譽克綏遐福朕命惟允爾惟欽哉

冊謚恭王制

維嘉靖十八年十二月

皇帝制曰朕惟先王之典生有爵者沒必有謚爵以貴其身謚以長其行此古今不易之常道也

叔父 衡王睿名樂善好禮早著賢譽宜福壽之兼備以光重於藩邦乃疾疢遽嬰藥石弗效倏聞長逝痛何可言眷念親賢宜申冊命茲特謚曰恭靈爽不昧庶克歆承

衡恭王壙志

王諱祐揮

憲宗皇帝第五子母莊懿德妃張氏王生于成化十五年閏十月二十五日二十三年七月十一日冊封爲衡王弘治十二年三月十七日之國山東

封建傳

青州府志卷三

三十一

青州府嘉靖十七年八月初七日以疾薨享年六十有一妃沈氏生女一封宛平郡主次妃馬氏生子一封世子女二封永成郡主清宛郡主諸氏生子三封玉田王高唐王齊東王女二封壽光郡主章丘郡主侯氏生子一封新樂王郭氏生女一封房山郡主故孫氏生女一封新安郡主故宗氏生子一幼未封戴氏生子一女一俱幼未封孫十五俱幼上聞訃哀悼輟視朝三日遣官諭祭謚曰恭命有司治喪葬如禮

昭聖恭安康惠慈壽皇太后遣祭文武官各致祭焉
以嘉靖十八年八月十八日葬于三陽山之原嗚呼
帝室之親封榮封大國令譽遠播藩屏有光貴富
兼隆壽祉咸備茲以令終復何憾焉爰述其槩
納諸幽壙用垂不朽云

冊制

維嘉靖十八年歲次己亥十二月甲子朔二十五日戊子
皇帝制曰天子之衆子必封爲王子孫世世相傳
藩屏帝室此我

封建傳

青州府志卷十二

三十二

太祖高皇帝之制也朕仰遵

祖訓篤叙親親茲命衡世子厚燾襲封爲衡王授以
金冊爾其恪勤忠孝親賢愛民永爲藩輔欽哉毋怠
衡王名厚燾 恭王長子嘉靖元年 冊封江華
王十年進封衡世子二十一年嗣封食祿一萬石

冊制

維嘉靖二年歲次癸未九月戊辰朔越十七日甲申
皇帝制曰天子之衆子必封爲王諸王之衆子必
封爲郡王世世相傳此

太祖高皇帝之制也朕祇承

祖訓篤叙親親茲封衡王庶第二子厚煙爲玉田王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

維嘉靖二十五年歲次丙午十二月甲申朔二十六日巳酉

皇帝制曰天子之衆子必封爲王諸王之衆子必封爲郡王世世相傳此

封建傳

青州府志卷十三

三

太祖高皇帝之制也朕祇承

祖訓篤叙親親茲命玉田懷簡王嫡第二子載塘襲封爲玉田王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

玉田懷簡王

諱厚煙

恭王第二子嘉靖二年

冊封食祿一千石二十一年薨長子載壚早卒仲子載塘嗣二十六年 冊封

冊制

維嘉靖八年歲次己丑十月癸亥朔越二十八日庚寅

皇帝制曰天子之衆子必封爲王諸王之衆子必封郡王世世相傳此

太祖高皇帝之制也朕祇承

祖訓篤叙親親茲封衡王庶第三子厚爌爲新樂王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命爾其欽哉

封建傳

肅府志卷十二

三五

維嘉靖三十六年歲次丁巳七月壬子朔十九日庚午

皇帝制曰天子之衆子必封爲王諸王之衆子必封爲郡王世世相傳此

太祖高皇帝之制也朕祇承

祖訓篤叙親親茲命新樂端惠王嫡長子載爾襲封爲新樂王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

新樂端惠王

諱厚燦

恭王第三子嘉靖八年

冊封食祿一千石三十二年薨長子載璽嗣三
十六年 冊封

冊制

維嘉靖九年歲次庚寅十二月丁巳朔越初十
日丙寅

皇帝制曰天子之衆子必封爲王諸王之衆子必
封郡王世世相傳此

太祖高皇帝之制也朕祗承

封建傳

青州府志卷十一

三十六

祖訓篤叙親親茲封衡王庶第四子厚燦爲高唐
王夫爲子莫先乎孝爲臣莫大乎忠惟忠惟孝
可以立身而永祿尚克時忱以膺寵命爾其欽
哉

高唐王

諱厚燦

恭王第四子嘉靖八年

冊封

食祿一千石

冊制

維嘉靖十年歲次辛卯十一月辛亥朔越二十
五日乙亥

皇帝制曰天子之衆子必封爲王諸王之衆子必封郡王世世相傳此

太祖高皇帝之制也朕祇承

祖訓篤叙親親茲封衡王庶第五子厚炳爲齊東王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

維嘉靖四十一年歲次壬戌十月壬子朔二十五日丙子

封建傳

青州府志卷十一

三

皇帝制曰天子之衆子必封爲王諸王之衆子必封爲郡王世世相傳此

太祖高皇帝之制也朕祇承

祖訓篤叙親親茲命齊東溫惠王庶長子載扈襲封爲齊東王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

齊東溫惠王諱厚炳

恭王第五子嘉靖九年

冊封食祿一千石

敕賜褒諭曰高唐齊東二王近該 衡王及山東
撫按官各奏稱王兄弟二人天性孝友樂善好
學守禮如一克篤人所難及之行所司會勘先
後無異良可嘉尚茲特差官降 敕獎勵王宜
益敦善行以永終譽用爲宗室之光顧不偉歟
欽哉故諭嘉靖三十六年薨長子載屋四十年
冊封

冊制

維嘉靖十九年歲次庚子十二月戊午朔二十
五日壬子

封建傳

青肅府志卷十一

三十六

皇帝制曰天子之衆子必封爲王諸王之衆子必
封郡王世世相傳此

太祖高皇帝之制也朕祗承

祖訓篤叙親親茲封衡恭王庶第六子厚燿爲邵
陵王夫爲子莫先乎孝爲臣莫大乎忠惟忠惟
孝可以立身而永祿尚克時忱以膺寵命汝其
欽哉

邵陵王諱厚燿

恭王第六子嘉靖十八年

冊

封食祿二千石

冊制

維嘉靖二十五年歲次丙午十二月甲申朔二
十六日巳酉

皇帝制曰天子之衆子必封爲王諸王之衆子必
封爲郡王世世相傳此

太祖高皇帝之制也朕祇承

祖訓篤叙親親茲封衡恭王庶第七子厚禩爲漢

陽王夫爲子莫先乎孝爲臣莫大乎忠惟忠惟

封建傳

青州府志卷十三

三

孝可以立身而永祿尚克時忱以膺寵命汝其
欽哉

漢陽王

諱厚禩

恭王第七子嘉靖二十五年

冊封食祿二千石

冊制

維嘉靖二十二年歲次癸卯十二月辛未朔二
十四日甲午

皇帝制曰天子之衆子必封爲王諸王之衆子必
封爲郡王世世相傳此

太祖高皇帝之制也朕祇承

祖訓篤叙親親茲命衡王庶第二子載圭爲東昌王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

維嘉靖三十七年歲次戊午七月丙午朔二十五日庚午

皇帝制曰朕惟親王世子以嫡以年或無嫡子爰其庶長此

封建傳

青州府志卷十一

罕

太祖高皇帝之制也朕祇承天位率由舊章衡王庶第二子載圭嘗封爲東昌王今特進封爲衡世子授以金冊其尚允服詩書恪敦忠孝永承藩輔用副親親欽哉毋忽

衡世子名載圭 衡王長子嘉靖二十三年 冊封東昌王三十七年進封世子

冊制

維嘉靖二十四年歲次乙巳十二月庚寅朔二十六日乙卯

皇帝制曰天子之衆子必封爲王諸王之衆子必封爲郡王世世相傳此

太祖高皇帝之制也朕祇承

祖訓篤叙親親茲封衡王庶第三子載封爲武定王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

武定王名載封嘉靖二十四年 冊封

冊制

封建傳

青州府志卷十二

四一

維嘉靖二十四年歲次乙巳十二月庚寅朔二十六日乙卯

皇帝制曰天子之衆子必封爲王諸王之衆子必封爲郡王世世相傳此

太祖高皇帝之制也朕祇承

祖訓篤叙親親茲封衡王庶第四子載瑛爲平度王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

平度王名載瑋嘉靖二十四年 冊封

冊制

維嘉靖二十五年歲次丙午十二月甲申朔二
十六日巳酉

皇帝制曰天子之衆子必封爲王諸王之衆子必
封爲郡王世世相傳此

太祖高皇帝之制也朕祇承

祖訓篤叙親親茲封衡王庶第五子載埉爲寧陽
王夫爲子莫先乎孝爲臣莫大乎忠惟忠惟孝

封建傳

青州府志卷十二

聖

可以立身而永祿尚克時忱以膺寵命汝其欽
哉

寧陽王名載埉嘉靖二十五年 冊封

冊制

維嘉靖二十六年歲次丁未十二月戊申朔二
十七日甲戌

皇帝制曰天子之衆子必封爲王諸王之衆子必
封爲郡王世世相傳此

太祖高皇帝之制也朕祇承

祖訓篤叙親親茲封衡王庶第六子載堙封爲昌樂王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

昌樂王名載堙嘉靖二十六年 冊封

冊制

維嘉靖二十九年歲次庚戌十二月庚申朔二十四日癸未

皇帝制曰天子之衆子必封爲王諸王之衆子必封建傳

青州府志卷十一

四三

封爲郡王世世相承此

太祖高皇帝之制也朕祇承

祖訓篤叙親親茲封衡王庶第七子載堙爲壽張王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

壽張王諱載堙嘉靖二十九年 冊封

冊制

維嘉靖二十五年歲次丙辰四月己丑朔二十

日戊申

皇帝制曰天子之衆子必封爲王諸王之衆子必封爲郡王世世相傳此

太祖高皇帝之制也朕祇承

祖訓篤叙親親茲封衡王第八子載塔爲商河王夫爲子莫先乎孝爲臣莫大乎忠惟忠惟孝可以立身而永祿尚克時忱以膺寵命汝其欽哉

商河王名載塔嘉靖三十六年冊封俱

衡王子各食祿二千石附錄官屬衡府長史左右各一員典簿其首領也

封建傳 青州府志卷三 四

審理正副各一員	典膳正副各一員	奉祀正副各一員
各一員	典樂一員	典寶正副各一員
各一員	典儀正副各一員	工正正副各一員
各一員	引禮舍人三員	教授一員
各一員	豐盈舍大使副使各一員	儀衛正一員
副二員	典仗六員	群牧鎮撫二員
副千戶二員	百戶十員	旗手千戶一員
百戶二員	郡王府 教授一員	典膳一員

藩賢

衡恭王傳

王諱祐揮

憲宗純皇帝第五子母莊懿德妃張氏生于成化十五年己亥二十三年封衡王弘治十二年之國青州嘉靖十七年八月薨

敕葬臨朐西三陽山之原

賜謚曰恭

王兄弟十有一人長

封建傳

青州府志卷三

巽

孝宗次

睿宗三岐王四益王五即王也六雍王七壽王八汝王九荆王十榮王十一申王

列聖以來未有如王兄弟之盛者王天資明穎神采莊重每朔望先謁宗廟而後視朝進

表箋臨殿用寶拱立移時具冕服北面端拜儼覲

天顏爲諸王範春秋祭享率以三鼓從事越四十年如一日享賓躬爲酬獻諸王子以次稱觴

仍命官屬屢伸勸侑畢送至露臺及階賓退
迺還暇居齋宮手不釋卷他無玩好尤精書
法四體皆工而楷書行草為最大書結構有
體詩章足垂世教者書數千紙一觀筆法具
見王心旁及丹青各臻妙品積古今書籍千
卷一櫃者凡百有奇著詩文若干卷題曰歲
寒齋稿先是

孝宗與王尤厚

敕齊藩所遺土田悉屬之王慮擾于民力辭不

封建傳

青州府志卷三

吳

受

上嘉允特賜

祖訓一誓劔一就封以來未嘗詰責于有司事或
相涉則曰吾左右過也人益愧服闢書堂淑
諸王子授經講誦務令曉解一時諸王賢聲
籍籍官校子弟復建育秀館教之多入庠校
者青故多饑王來兩賜時若歲比豐稔及薨
村氓野老每集數十人具香楮望靈哭弔盡
哀乃去王以禮為國上信下懷冊謚以恭美

矣迄今宗室多禮讓之風云

輔職

左長史

右長史

祝福

王衡

紀鏞

梁稷

閻璟

楊崇

夏綱

呂世禎

黃甫

程驥

胡崇易

顏永

封建傳

青州府志卷十二

聖

李世隆

袁勳

彭錫

宋朴

王文源

陳夢章

晏早

東昌府濮州人恩生
嘉靖二十六年任

青州府益都人嘉
靖三十一年任

濟南府青城人舉人
嘉靖三十七年任

揚州府興化人選貢
嘉靖四十二年任

濟南府章丘人舉
人嘉靖十八年任

潞安府長治人舉人
嘉靖三十一年任

青州府益都人官生
嘉靖三十六年任

名臣

詩云高山仰止景行行止信哉言也甫惟岳降隰自天生蓋不偶矣自漢而下代有名世勲昭夾輔卓哉其間或以氣節或以聲績匡濟諸艱振起頽運小大不同皆官師之表鄉邦之範也志之俾來者跂焉

周仲山甫太公之後爲宣王冢宰兼太保王命築城于齊詳見丞民詩

鮑叔牙齊卿進管仲於桓公以身下之天下不多名臣

青州府志卷十一

哭

管仲之賢而多鮑叔能知人也子孫世祿於齊有封邑者十餘世

管仲潁上人相齊桓公通貨積財富國強兵與俗同好惡桓公實南襲蔡仲因而楚責包茅不貢桓公實北征山戎仲因令燕修召公之政於柯之會桓公欲背曹沫之約仲因而信之葵丘一盟天下宗齊

隰朋齊公族大夫助管仲相齊嘗受命平戎於晉升降揖遜進退閒習能辨辭之剛柔管仲寢疾公

問其代對曰隰朋可朋之爲人好上識而下問臣聞之以德予人者謂之仁以才予人者謂之良以善勝人者未有能服人者也以善養人者未有不服人者也於國有所不知政於家有所不知事必朋乎又曰消息盈虛與百姓詘信然後能以國寧勿已者朋其可乎言終喟然歎曰天之生朋以爲夷吾舌也其身死舌焉得生哉是歲仲朋皆卒

甯戚齊人不遇而貧飯牛車下扣角商歌桓公出聞其歌異之召而問焉賢之舉以爲大夫管仲曰

名臣

青州府志卷十二

四九

墾草入邑辟土聚粟多衆盡地之利臣不如甯戚請立爲大司田

晏平仲名嬰萊之夷維人事齊靈公莊公景公以節儉力行重於齊旣相食不重肉妾不衣帛其在朝君語及之卽危言語不及之卽危行國有道卽順命無道卽衡命以此三世顯名於諸侯自晏子與管子皆著書以發其蘊故管子有牧民山高乘馬輕重九府等十八篇在法家晏子有春秋七篇在儒家

漢曹參沛人高祖時爲齊王相惠帝初更爲齊丞相聞膠西有蓋公善治黃老言使人厚幣請之既至蓋公爲言治道貴清靜而民自定參於是避正堂舍蓋公其治要用黃老術相齊九年齊國安集大稱賢相

王脩字叔治北海營陵人年七歲母以社日亡來歲社脩念母哀甚鄰里爲之罷社北海相孔融召爲高密令高密孫氏素豪俠賊入孫氏吏不能執脩將吏長圍之孫氏懼乃出賊豪強懾伏復令守

名臣

青州府志卷十二

五

膠東東人公沙盧宗疆自爲營塹不應調發脩數騎徑入其門斬盧兄弟公沙氏驚愕莫敢動撫慰其餘由是寇少止融有難脩每奔救得免袁紹辟脩爲卽墨令後爲譚別駕譚爲曹操所殺脩號哭請收葬譚屍然後就戮無所恨操義之禮辟爲魏郡太守抑強扶弱百姓稱之魏國建爲大司農郎中令嚴才反脩聞變步至公門相國鍾繇謂曰舊京城有變九卿各居其府脩曰食其祿爲避其難居府雖舊非赴難之義劉獻數短脩獻以事當死

脩救得免時人益以此多脩

王猛字景畧北海劇人少好學氣度雄遠隱於華山晉桓溫入關猛被褐往謁捫虱而談當世之務旁若無人後秦苻堅招之一見如平生累遷尚書左僕射任兼將相宰政公平秦國富彊猛疾堅問以後事猛曰晉雖僻處江南然正朔相承願勿以晉爲圖鮮卑西羌我之仇敵宜漸除之言終而卒

唐房玄齡字喬齊州臨淄人彥謙子貫綜墳籍書

兼草隸年十八舉進士太宗以燉煌公徇渭北杖

名臣

青州府志卷十三

十一

策謁軍門一見如舊從征伐衆爭取怪珍玄齡獨收人物置幕府與諸將密相申結人人願盡死力進尚書左僕射居相位十五年以權寵隆極累表辭位詔不聽進司空仍總朝政會伐遼留守京師凡糧械飛輸軍伍行列悉裁總之數上書勸帝毋輕敵久事外夷與杜如晦同心輔政爲唐世賢相首稱卒諡文昭

宋張齊賢字師亮曹州人太祖幸西都獻十策召至行宮賜衛士廊殮問所言十事內四說稱旨齊

賢堅執其六說皆善太祖怒令武士拽出及還京謂太宗曰吾幸西都爲汝得一張齊賢宰相才也不十年果爲相真宗時以兵部尚書出知青州上幸澶淵命兼青淄濰州安撫使尋改吏部尚書卒諡文定

曹瑋字寶臣靈壽人彬之子初知秦州軍中懾伏有士卒十餘人叛赴虜中軍吏來告瑋方與客圍棋不應吏亟言之瑋怒叱之曰吾固遣之去汝再三顯言邪虜聞之亟歸告其將盡殺之乾興間轉名臣

青州府志卷三

五三

知青州瑋好讀書所如必載書數輒兼通春秋公穀左傳而尤熟於左氏位至樞密卒諡武穆

寇準字平仲華州人資性方正慷慨有大節太宗時爲員外郎歲大早上輦過館中泛以問衆皆曰歲旱天數也準獨曰朝廷刑罰偏頗旱爲是耳上喜以準可用途驟進尋以同知樞密院事出知青州太宗久不豫驛召還問以後事準曰知子莫若父臣愚不當與也固問之準再拜曰臣觀諸皇子惟壽王得人心遂定策都民合手叩額歌呼相慶

景德間贊決澶淵之役契丹請和宗社奠安後被
讒貶雷陽卒仁宗前滌其寃贈中書令諡忠愍

王曾字孝先益都人少孤鞠於仲父宗元學於里
人張震鄉貢禮部廷對皆第一真宗時累官叅知
政事王欽若方挾符瑞附會帝意排異已者乃罷
曾出知應天府尋復叅知政事真宗不豫皇后居
中預政曾奉命入草遺詔以明肅皇后輔立皇太
子權聽斷軍國大事丁謂入去權字曾曰增減制
書有法表則之地先欲亂之邪丁謂欲宦官傳奏
名臣

禁中畫可以下曾曰兩宮異處而柄歸宦官禍端
兆矣曾正色獨立朝廷倚以爲重丁謂去拜中書
門下平章事封沂國公卒諡文正

李迪字復古濮州人從种放明逸先生學將試京
師見柳開仲塗以文卷爲贊久之仲塗出曰讀君
之文須沐浴乃敢見因留門下仲塗出題令與諸
子同賦賦成驚曰君必魁天下爲宰相真宗時知
青州累官資政殿大學士再徙青州政清訟簡仁
宗時入相以太傅致仕

蔡齊字子思其先洛陽人徙萊州祥符八年真宗采賈誼置器之說試禮部所奏士讀至公賦有安天下意歎曰此宰相器也及召見衣冠偉然進對有法亟以第一賜之知密州時歲旱除公田之租數千石請弛鹽禁使民得易食以救饑民皆賴之通判維州民有告刻稅印爲姦利者蹤跡連蔓至數百人公歎曰盡利於民民無所避是爲政者之過也遂緩其獄得減死者十餘人餘釋不問維人皆曰公德於我使我自新爲善由是風化大行

名臣

青州府志卷十一

五十四

韓億字宗魏雍丘人布衣時與李康靖同遊止一氈同寢一日分途遂割而分之仁宗初進直史館尋知青州有治聲在中書見諸路職司撫拾官吏輒不懌曰天下太平主上之心雖蟲魚草木皆欲得所況仕者大則望爲公卿次亦望爲侍從職司二千石其下亦望京朝幕官柰何錮之於聖世乎官至叅政以太子太傅致仕

程琳字天琳博野人仁宗時爲刑官囹圄常空後知青州遺愛在民

范仲淹字希文其先姑蘇人幼孤隨母適長山朱氏讀書長白山日煮粥貯一器畫為四塊早晚斷菹數莖啖之祥符八年舉進士禮部選第一歷官叅知政事資政殿學士慶曆間知青州惠政及民瑞應醴泉遺井尚存公內剛外和富貴貧賤毀譽歡戚一不動心慨然有志於天下嘗曰士當先天下之憂而憂後天下之樂而樂其為諫官抗直敢言士大夫為之矯厲氣節經畧西夏鍊兵選將城築大順賊為喪膽比叅大政條上十事裁削幸濫名臣

考劾官吏日夜圖治太平授橫渠以中庸授明復以春秋首開理學尤非當時諸臣所及云

龐籍字醇之單州人明道中為殿中侍御史明肅皇太后欲踵章獻臨朝公奏燔閣門所掌垂簾儀制以沮其謀仁宗始專萬機左右欲以奇巧自媚公上言願以儉約為帥上納其言中丞孔道輔曰今多承望要人風旨獨龐公天子御史耳景祐間來知青州在延州時軍行出塞公使因糧於敵馬芻皆自刈之還畀其直民無飛輓之勞及去民遮

道而立曰公用兵數年未嘗以一事煩民雖以一子爲香焚之猶不足報也後知定州請老召還陳請不已或謂公精力克壯主上注意方厚何遽引去公曰必待筋力不支明主厭棄然後乃去豈止足之謂邪朝廷不能奪聽以太子太保致仕

孔道輔字原魯孔子四十五代孫仁宗時判吏部流內銓糾察在京刑獄出知鄆州徙青州及使契丹優人以宣聖爲戲公正色曰中國與北朝通好以禮文相接今俳優侮慢先聖而不禁北朝之過名臣

青州府志卷三

五

也虜君臣默然位至御史

余靖字安道建州人仁宗慶曆間增置諫官以廣言路親筆公姓名除右正言公感激奮勵遇事輒言范仲淹以言事忤大臣落職公與尹洙歐陽修相繼抗疏論列又以書讓諫官得罪遠謫天下賢士咸惜其去號爲四賢尋知青州自寇準及公來守是邦風俗丕變人才輩出

富弼字彥國河南人以資政殿學士出知鄆州歲餘加給事中移青州兼京東路安撫使河朔大水

民流就食公擇所部豐稔者三州勸民出粟得十
五萬斛益以官廩隨所在貯之得公私廬舍十餘
萬間散處其人以便薪水官吏自前資待闕寄居
者皆給其祿使卽民所聚選老弱病瘠者廩之山
林河泊之利有可取爲生者聽流民取之其主不
得禁官吏皆書其勞約爲奏請使他日得以次受
賞於朝率五日輒遣人以酒肉糗飯勞之出於至
誠人人爲盡力流民死者大塚葬之謂之叢塚自
爲文祭之明年麥大熟流民各以遠近受糧而歸

名臣

青州府志卷十二

七

凡活五十萬募而爲兵又萬餘人帝聞之遣使褒
勞拜禮部侍郎弼曰此守臣職辭不受前此救災
者皆聚民城郭中爲粥食之蒸爲疾疫及相蹈藉
或待哺數日不得粥而斃名爲救之而實殺之自
公立法簡便周盡天下傳以爲式王則叛齊州禁
兵欲應之或詣公告齊非所部恐事泄變生適中
貴人張從訓銜命至青州公度其可用密付以事
使馳至齊發吏卒取之無得脫者卽自劾顓擅之
罪帝益嘉之復以爲禮部侍郎又辭不受邵伯溫

曰公使虜功甚偉而每不自以為功至知青州活饑民五十餘萬則每自言之曰過於作中書二十四考矣

歐陽脩字永叔廬陵人熙寧元年秋遷兵部尚書知青州事充京東東路安撫使時諸路散青苗錢法初行衆議皆言不便朝廷既申告誡公猶請除去二分之息令民止納本錢以示不為利又請先罷提舉管勾官然可以責州縣不得抑配聽民以願請本處災傷民無立業者並免遂為王安石所

名臣

青州府志卷三

五八

詆求歸愈切熙寧四年以太子少師致仕公嘗語人曰凡治人者不問吏才能否設施何如但民稱便即是良吏故公為郡不見治迹不求聲譽以寬簡不擾為意故所至民便既去民思如青揚皆大郡公至三五日間事已十減五六一兩月後官府如僧舍或問公為政寬簡而事不弛廢者何也曰以縱為寬以畧為簡則弛廢而民受其弊吾所謂寬者不事苛急簡者不為繁碎耳識者以為知言

趙槩字叔平應天府人仁宗時知青州坐失舉滛

池令張詰免久之乃起知滁州山東有寇李貳過其境語人曰我東人也公爲青州民愛之如父母我不忍犯遂率衆去

吳奎字長文濰州人舉五經又舉賢良方正仕至同知諫院後除叅知政事出知青州司馬光言奎名望素重不當罷出召復職繼論新法出知密州公少爲吏晝則治公事夜輒讀書不寐者二十餘年嘗置義莊以調族黨朋友卒之日家無餘貲韓魏公嘗云吳長文有識方天下盛推王安石以爲名臣

青州府志卷十一

五十九

必可致太平唯長文獨語所知曰安石心強性狠不可大用後果如所言

張方平字安道宋城人家貧常就人借三史旬日輒歸之曰吾已得其詳矣凡書皆一閱終身不再讀屬文未嘗起草宋齊蔡綬見之曰天下奇才也共薦之熙寧三年以判尚書乞罷出知青州極論新法之害神宗爲之憮然初神宗召用安石公謂安石言僞而辨行僞而堅用之必亂天下由是深怨之

趙抃字閱道衢州人初爲殿中侍御史彈劾不避權幸京師號曰鐵面御史其言常欲朝廷分別君子小人謂小人雖小過當力排而絕之後乃無患君子不幸而有誑誤當保護愛惜以成其德故言事雖切而不厭熙寧間以資政殿學士諫議大夫知青州因民俗朴厚每以清淨臨之時山東旱蝗青獨多麥蝗自淄齊來及境遇風退飛墮水而盡由是歲登民咸以爲德政所感云

蘇軾字子瞻眉州人神宗時知密州時司農舉行名臣
青州府志卷十一
軾
手實法不時施行者以違制論軾謂提舉官曰違制之坐出於司農是擅造律也未幾朝廷知法害民罷之安撫司捕盜卒凶暴恣行將爲亂民奔訴軾軾投其書不視曰必不至此卒聞之少安徐使人招出戮之

劉摯字莘老東光人教子孫先行實後文藝每曰士當以器識爲先一號爲文人無足觀矣元祐元年爲御史中丞出知青州自青州罷職知黃州語諸子曰上用章丞相吾勢當得罪若章君顧國事

不遷怒百姓但責吾曹死無所恨第恐意在報復
法令益峻奈天下何憂形於色初無一言及遷謫
也

名臣

青州府志卷十二

空

青州府志卷之十二終

